




鄭泳舜譏諷攞炒派區議員議政質素令人大開眼界。鄭泳舜fb截圖

攞炒派文件甩漏 阿舜譏低質

普檢與健康碼分不清 錯字百出照交上區會傾



網議政事

攞炒派區議員上任咗大半年，最叻就係搞政治騷，近日佢哋又藉疫情大肆抹黑內地同特區政府，但結果係咁展示智商下限。民建聯立法會議員鄭泳舜就發現佢哋係深水埗區議會大會提交咗一份「反對社區健康碼」文件，內容唔單止錯字百出，仲分唔清普及社區檢測計劃同健康碼嘅區別，令人質疑佢哋到底有冇做功課，唔怪得連網民都話「失禮死人啦」。

香港文匯報記者 郭家好

鄭泳舜前日喺facebook貼咗份文件出嚟「奇文共賞」，一班攞炒派深水埗區議員動議擱置普及檢測及健康碼，但嗰份聯署提交嘅文件不但錯字百出，「連基本事實都唔識，議政質素令人大開眼界！」佢仲加上多個標籤捉錯處，包括「陽性患者寫成陰性帶菌者」、「病毒和病菌分不清」、「邊個係民制人士」、「攞炒派一條就唔識」、「一條就要誤導市民」，估計攞炒派睇到真係要搵窿捐啦。

「民制人士」究竟係邊個？

我哋翻睇返區議會份「反對社區健康碼」文件，原來係由20個攞炒派區議員一齊提交，內文多

次混淆普及社區檢測同健康碼嘅意思，明明普及社區檢測只係做檢測冇其他作用，但佢哋將件事講成做完善及社區檢測就會得到一個健康碼咁，更無啦啦變一個「民制人士」出嚟，話「近日有民制人士更提倡『全民健康碼』，並呼籲食店只招待冇手帶識別人士」，真係睇到人一頭問號。

病毒當病菌 隱性當陰性

更離譜嘅係，內文仲稱「健康碼不能反映持有人健康實況，即使手繫健康碼認證，亦不能排除陰性帶菌者的存在……深水埗區有不少基層居民……若政府要勞民傷財，要市民每隔短時間就更

新健康碼，對本區居民而言絕對是極沉重負擔」，睇嚟佢哋好似唔知健康碼係用嚟豁免強制檢疫下用作過關，同理呢次係病毒唔係病菌，議政質素差到無話可說。

唔少網民都笑佢哋，「Tamay Tam」話：「佢哋讀書真係讀屎片。」

「Kazuki Sakurai」亦話：「嘩……深水埗個（啊）批區議員質素高到一個點呢……失禮死人啦！叫選佢哋既（嘅）人情何以堪呀？」

「Corona Tung」就表示：「建議唔學無術嘅獻醜不如藏拙，呢個『已完』真係浪費納稅人嘅錢。」

市民批港大學生會抹黑檢測播恐慌

香港文匯報訊（記者 姬文風）特區政府鼓勵市民參與普及社區檢測計劃，盡快合力截斷病毒傳播鏈，但別有用心者卻不斷「倒米」，散播各種「政治恐慌」以抹黑計劃。有市民發現港大學生會近日公然擺街站呼籲「杯葛」檢測，更派發內容失實的傳單，以所謂「DNA送中」云云造謠污衊檢測計劃。爆料網民直斥涉事大學生為反而反，毫無科學與事實根據。

facebook群組「聲討教協」昨日上載一段影片，顯示一名身穿印有「香港大學學生會」字樣短袖T恤的女子，於銅鑼灣大街擺設街站，手持一疊傳單向途人派發。片中可清楚聽到，街站不斷播放錄音，煽動杯葛檢測。

屈「DNA送中」| 監控行蹤

爆料市民透露，片段攝於上周日（6日）下午2時，事主其後再上載從女子手上接過的傳單，當中大字標題稱「港人行蹤恐遭監控」、「檢測為達政治目的」，內文則以「難保DNA資料不被送中」作無理抹黑，又胡亂猜測稱特區政府引入內地醫療團隊是「刻意塑造中國抗疫英雄形象」，完全無視本港醫護人手短缺的現況。

爆料人直斥堂堂港大學生「不懂科學，不顧市民健康安危，為反而反」，毫無科學與事實根據。事件亦引起網民關注，紛紛批評片中女生不務正業，胡言亂語。「Mel Cheung」諷刺道：「就算係都杯葛政府資助你哋呢班垃圾啦！」「Agogo Lai」批評指：「叫佢除理口罩先啦，戴口罩做咩嘢，反正唔啱疫症（係）一回事！」「Lcal Stephen」則感歎片中女生影衰港大：「其實佢哋做乜都有所謂，但係唔好擺支寫住香港大學旗號出嚟！」

就近日針對普及社區檢測計劃的抹黑行為，特區政府已多次作出有力反駁，並強調所有接受檢測者的個人資料，包括檢測樣本與化驗結果只供在香港境內作檢測用途，市民可以放心。

▶有身穿港大學生會衣服的女生，日前在銅鑼灣派發抹黑檢測的傳單。短片截圖

▶相關傳單抹黑檢測，散播恐慌。網上圖片



8生夜闖會室劈酒 城大學生會禁足了事

香港文匯報訊（記者 姬文風）城市大學上月揭發有7男1女學生涉嫌反校規，深夜夜闖學生會活動室瘋狂「劈酒」，有女生不勝酒力昏倒，同學報警送院令事件曝光。學生會事後一度以所謂「與幹事會及城市廣播成員無關」卸責，至昨日終承認有商學院及學部聯會署理內務幹事失職，帶人進入會室飲酒，卻僅以「書面警告」、「公開道歉」及「禁足會室60日」了事，相當兒戲。

就有學生擅自在學生會、城市廣播等校園活動室範圍逗留，城大學生會管理不善問題明顯，但事後卻極力卸責，以涉事人為「屬會幹事」、「與幹事會及城市廣播成員無關」試圖撇清關係，又反咬校方「談過學生會」轉移視線。不過，令人感到奇怪的是，學生會後來自爆已就屬會幹事涉嫌失職作出處分，令「無關」之說

不攻自破。學生會昨日再發最新消息，確認涉事屬會幹事為該會應屆商學院及學部聯會署理內務幹事，對方承認當日確有帶其他學生進入會室，進行非公務活動，並容許他人在會室飲酒。事主承認上述行為違規，願意公開道歉。

「提醒守規則」輕輕帶過

此外，學生會宣布對8名涉事學生發出書面警告，譴責相關行為，以及即日起禁止有關學生進入涉事屬會辦公室，為期60日。

至於關鍵的會室管理問題，學生會僅以一句「提醒各屬會妥善遵守場地使用規則，同時派員巡邏各屬會辦公室，確保會室得以善用」輕輕帶過，又「呼籲」會室作用為辦公、處理會務，而非飲酒消遣，絕不容許屬會辦公室遭濫用。



網議政事

為呢人讀好facebook走去賭議席，賭輸咗又「賴皮」嘅攞炒派元朗區議員伍健偉，但嘅無賴行為搞到「同路人」都睇唔過眼，圍插佢唔知醜字點寫，更有市民特登去佢議辦追數。不過，伍健偉就恃住臉皮厚過屎尿，依然繼續死雞撐飯蓋，日前仲喺媒體訪問中稱，自己一開始就覺得會贏，唔認為係利用選民信任嘅。有「手足」見佢仲死唔認衰，都話：「知×能改，但原來到依（嘅）家都未知×，真係好失望。」

稱『「抗爭者」做嘢要出其不意」

伍健偉早前講要同立法會議員何君堯鬥多facebook專頁讀好，輸咗就辭去議席，永不參政，之後怕輸就改口話「不可能單單為了一個讀好而賭上整個政治生涯」。最終結果出爐，佢除咗讀好數目輸過萬，何君堯仲多得有佢「助攻」，讀好數目大增近4萬，就連唔少「同路人」都插伍健偉拎議席嘅賭唔啱。

伍健偉日前仲喺媒體專訪死撐，稱「我自

己本身就從來都唔覺得係賭緊……賭博係存在住贏同埋輸……但我做呢樣嘢係必贏」，又唔認自己係小學雞、情緒勒索同背棄選民，仲反將「手足」話：「依（嘅）家兄弟唔係爬緊同一座山，係咪要反思吓點解吓吓都要抨擊人呢？」佢仲話：「『抗爭者』做嘢要Unpredictable（估唔到），先至可以『破局』。」唉，亂噏當道理，真係估你唔到。可能伍健偉會覺得自己呢到唔少讀好，方便日後參選動員吸票，但就令唔少「同路人」都好反感。好似「Man Man Lee」話：「雖然有like（讀好）你fb page（專頁），但只係唔想個議席就咁咁兒戲而掉失，不要再有下次，因為你咁做真心好無謂兼無聊！」「Heyman Chan」都話：「我有俾（界）like（讀好），亦有叫人俾（界）like（讀好），但我和我同伴一樣要×你，你係咪on（慳）×架（㗎）？」「Gary Lee」就鬧佢：「不知所謂！」

有網民就覺得伍健偉「賴皮」係意料中事。「Denis Ling」就話：「幾萬蚊一個月收



伍健偉在訪問中否認自己小學雞。香港獨立媒體網fb截圖

入，點會放棄呀！」咁又係，唯利是圖嘅人，通常都言而無信。香港文匯報記者 黃書蘭

傻根淘十蚊月餅盒 扮自家高價搵笨



網議政事

「青城派國師」傻根（陳云根）嘅高見真係令人永世難忘，最經典嘅莫過於君子之道就係唔好斷佢米路。事緣中秋佳節臨近，由傻根擔任主席嘅「香港復興會」就大推月餅訂購，結果被網民踢爆咁月餅包裝盒其實係淘寶貨，仲回帶話傻根喺前年年宵已經試過將淘寶貨扮原創貨呢錢，估唔到佢衰過一鑊都仲咁厚臉皮。不過，所謂橋唔怕舊，最緊要受，望住一堆「黃絲」搶住幫襯傻根，睇嚟佢又成功掠咗「同路人」一大筆喇。

話說前年《熱血時報》嘅年年宵大縮皮，除咗由維園縮到去旺角花墟，連啲貨都係極平嘅淘寶貨，如果唔係網民踢爆，呢啲用「國師陳雲出品」為名嘅貨品應該呢到唔少人，好似盛惠六草嘢一隻嘅「戰鬥碗」，其實係淘寶貨最平只要個半人民幣就有交易，咁計法賣一隻碗可以賺近40倍。

周子峰做埋調查踢爆

本來今次用「香港復興會」個名賣月餅應該有人狙擊，弊在傻根樹敵太多，去到邊都出事。事緣香港樹仁大學歷史學系助理教授周子峰近日喺facebook貼文話，佢有個做設計嘅朋友被某「青城派」成員批評咁設計因

循苟且，對方又褒到傻根嘅出品「無得頂」，所以佢哋決定多啲觀摩大師嘅設計：「點知當堂嚇一跳，然後得啱笑……大家覺得係風雅高檔，定係淘寶老人再現，自行判斷。」

周子峰仲好熱心咁貼埋淘寶網搜尋頁面，啲貨品果然同傻根牌月餅嘅包裝盒一模一樣，最平唔使10蚊公仔就有交易。雖然個盒就唔包月餅嘅，但傻根牌一盒四個嘅月餅訂購價都要168蚊到198港幣，睇落都幾好賺㗎。再望吓「香港復興會」個訂購post，果然大批「黃絲」捧場，個post前日仲更新話由於反應熱烈，訂購暫時截單㗎！

有人盲撐自然有人清醒，網民「Gary Kwan」就話：「陳雲根只係用×吹洗腦，不停話買淘寶係犯罪，班信徒信到足，咁陳雲根就自己淘寶，再高價賣比（界）班傻仔。咁就以為過到骨。」「航天元」就揶揄：「問問老師（傻根）幾時攝紙仔入去個餅度。」「Shek Chan」就回應：「係咪寫戶口號碼？叫人課金？」「Sam Lau」就叫大家對傻根公道啲：「可能就係國師放上淘寶賣㗎。」

網民回帶曾寸Cheap 禎着淘寶貨

「William Lui」就回帶揶到傻根曾經寸「青症」前成員Cheap 禎（游蕙禎）某次着



傻根嘅「香港復興會」賣月餅，但被踢爆包裝盒係淘寶貨。「香港復興會」fb截圖

嘅旗袍係淘寶貨色，雖然上年年宵傻根已中咗回力鏢，但睇佢唔介意中多次㗎。香港文匯報記者 鄭治祖

劉小麗退出工黨 「獨師」譏「利窮則散」


攞炒派嘅政治理念真係好飄忽㗎。被DQ立法會議員資格嘅劉小麗2018年加入工黨，幫手擠走仲係民協中人嘅馮檢基，以欽點工黨李卓人空降做

自己參加立法會九龍西補選嘅Plan B，結果嗰次選舉攞炒派輸咗，工黨越撈越唔掂，嘅日劉小麗仲宣布退出工黨㗎。中文大學「獨」講師劉正就喺facebook專頁「無神論者」的巴別塔」中形容，呢啲咪叫「利窮則散」囉。

劉小麗嘅日話，自己「一直希望為工黨增添力量」，但因為「各種複雜的問題」，見無效就決定退出工黨，「以另一種方式在民主路上合作」㗎，真係唔知個情況點解會複雜到要退出再合作㗎。「無神論者」的巴別塔」隨即出post形容係

「利窮則散」，佢揶揄：「當日加入工黨只為令李卓人打尖成為Plan B，杜絕馮檢基舉行『飯民初選』要求。結果人又被DQ、補選又輸×埋，『飯民初選』快要全軍覆沒，而（嘅）家退黨，遲咗啦。」

「Yat Ming Ha」就留言：「『飯民』搵件真心做嘢都有！真係×佢老×！」「福明」揶揄劉小麗可以「專心炒樓」。「Adrian Mak」就話政圈就係咁運作：「咁就明白點解乳鴿唔離開白鴿黨（民主黨），無他，有黨冇黨囉。」香港文匯報記者 甘瑜



劉小麗在fb宣布退出工黨。劉小麗fb截圖